

**Meeqjanut ileqqaarutit atorunnaarsinnejarnissaat pillugu Inatsisartut inatsisussaattut
siunnersuut**

Pillugu

Inatsisartut Akileraartarnermut Akitsusiiisarnermullu Ataatsimiititaliaata

ISUMALIUTISSIISUTAA

Siunnersuutip aappasaaneerneqarnerani saqqummiunneqartoq

Inatsisartut Akileraartarnermut Akitsusiiisarnermullu Ataatsimiititaliaa suliarinninnermini ukuninnga inuttaqarpoq:

Inatsisartunut ilaasortaq, Niels Thomsen (siulittaasoq)

Inatsisartunut ilaasortaq, Harald Bianco (siulittaasup tullia)

Inatsisartunut ilaasortaq, Aqqaluaq Egede

Inatsisartunut ilaasortaq, Aleqa Hammond

Inatsisartunut ilaasortaq, Jens Imanuelsen

Siunnersuutip siullermeerneqarnera tunngavigalugu siunnersuut matumani pineqartoq ataatsimiititaliap misissorpaa.

Siunnersuutip imarisaa

Meeqjanut ileqqaarutit atorunnaarsinnejarnissaat, tamatumunngalu taarsiullugu ukiumut 18 mio. kr.-t missaat ukiumoortumik immikkoortinneqartartut meeqjanut inuusuttunullu tapersorsorneqarnissaminnut pisariaqartitsilluinnartunut suliniutinut atorneqarnissaat Naalakkersuisut siunnersuuteqarnermikkut kissaatigaat.

tusarniaanerit

Siunnersuut piffissami 11. august 2009-mit 21. august 2009-mut tusarniaassutigineqarpoq. KANUKOKA eqqarsaatigalugu tusarniaanermi piffissaritinnejarnissaat, qinnutigineqarneratigut sapaatit akunnerinut sisamanut sivitsorneqarpoq. Tusarniaanermi akissutigineqartut inatsimmut nalinginnaasumik nassuiaatini Naalakkersuisunit oqaaseqarfingineqarpoq.

Siunnersuutip Inatsisartuni siullermeerneqarnera

Inuit Ataqatigiit, Demokraatit aamma Kattusseqatigiit Partiata aningaasat meeqqap 18-iinissaanut pituttinerininngarnit aningaasat immikkoortinnejartut meeqqanut inuusuttunullu pisariaqartitsisunut pisariaqartilluinnagaannullu atorneqarnissaat naapertuunnerpaanissaa eqqarsaatigalugu siunnersuut tapersorsorpaat. Meeqqanut ileqqaarutitut aaqqiinerup atorunnaarsinneqarnissa Namminersorlutik Oqartussat aningasaataasa killeqartut pingaarnersiorneqartariaqarnerannut takussutissaavoq.

Siumut aamma **Atassut** siunnersuut tapersersunngilaat, isumaqaramik meeqqat inuusuttullu qaninnerusoq ungasinnerusorlu isigalugit tapersorsorneqartariaqartut. Taamaalilluni meeqqanut ileqqaarutinik aaqqissuussinerit meeqqap 18-reernerata kingorna tapersiissutitut ungasinnerusoq isigalugu suliniutaavoq. Aammattaaq aningaasat allatut qanoq atorneqarnissaannik siunnersuuteqartut innersuassisinnaannginnerat ajornartorsiutaasoq isumaqarput. Aammattaaq oqaatigineqarpoq Naalakkersuisut aningaasanut inatsimmi sipaaruteqarnissamut siunnersuutaat allatpisariaqartitsinerpaat namminneq sipaaruteqarnissamut periarfissaat ajornarsisisagaat.

Naalakkersuisut

Meeqqat aatsaat 18-iliineranni tunniunneqartussanik meeqqanut ileqqaarutinik aaqqissuussinermut ukiumoortumik 18 mio. kr.-it atorneqartarnerat tulluartutut isigineqanngitsoq Naalakkersuisut oqaatigaat. Tamatumunnga taarsiullugu aningaasat taakku meeqqanut inuusuttunullu ullumikkut ajornartorsiortunut atatillugu suliniutinut atorneqarnissaat Naalakkersuisut kissaatigaat.

Siumup ikinnerussuteqarluni oqaaseqaatip matuma kinguliiniittup isumaliutissiisummut ilanngunneqarnissa kissaatigaa:

”Meeqqanut inuusuttunullu atugassarititaasut qanittoq ungasinnerusorlu isigalugit pitsangorsarneqarnissaannik sulisoqassasoq Siumut isumaqarpoq. Meeqqanut ileqqaarutinik aaqqissuussineq ungasissoq isigalugu suliniutaassasoq siunertarpiaavoq.

Ileqqaarnerup siunertaraa Kalaallit Nunaanni meeqqat tamarmik ilaqtutatik qimakkunikkit pitsasumik aallartinnissamut periarfissinneqarnissaat. Ilinnialernissamut, illusinissamut inissiamilluunniit pisinissamut attartornissamulluunniit imaluunniit namminersortungorniarluni aallartisarnissamut pisinnaatitaasup inersimasunngornerani aningaasat ileqqaakkat ikiutaasinnaanerat siunertaavoq.

Piffissaq sivikitsoq isigalugu meeqqanut suliniutinut akissaqarumalluni ungasinnerusoq isigalugu aaqqiissutinut aallartinneqareersimasunit Naalakkersuisunit aningaasat aaniarneqarnerat Siumumit pitsaanngilluinnartutut isumaqarfingineqarpoq. Pingaartumik aningaasat meeqqanut ileqqaarutinit aaniarneqartut qanoq atorneqarnissaat Naalakkersuisut ilisimanngimmassulluunniit immikkut eqqarsarnartoqartinneqarpoq. Taamatut akuliunneq atuutilersinnagu minnerpaamik suliarilluarneqarsimanissa tunngaviusumik Siumut isumaqarpoq.

Tamatumunnga taarsiullugu aaqqiissutinik allanik, soorlu pisortani akeqanngitsumik biileqartitsinerup atorunnaarsinneqarnissaanik imaluunniit inuulluarniutinik assersuutigalugu angallatit nuannaariutit akitsuuserneqarnissaat Naalakkersuisut isumaliutigissagaat Siumup kaammattuutigissavaa.

Kiisalu aningasat meeqqanut iluaqtaanissaannik qulakteerisumik atorneqarnissaannut piumasaqaatitaqanngitsumik aningasat ileqqaakkat "juullimut tunissutigiinnarneqarnissaat" Siumup akisussaassuseqannginnertut isigaa. Meeqqanut ileqqaarutinik aaqqissuussinerup atorunnaarsinneqarnissaanik siunnersuutip isumaliutigeqqissaagaannginneranut tamanna takussutissavoq."

Akileraartarnermut Akitsuusiisarnermullu Ataatsimiititaliap siunnersuummik suliarinninna

Meeqqanut ileqqaakkat immikkoortinnejartut maannangaaq 48 mio. kr.-it missaanniippuit, taakku pisinnaatitaasunut tunniunneqarsinnaassallutik. Siunnersuutip kingunerisaanik meeqqanut ileqqaarutinut immikkoortitanit meeqqap pissarsiassai 31. decemberimi meeqqap aqqa atorlugu aningaaserivimmi kontomut nalinginnaasumut matoqqanngitsumut nuunneqassapput. Tamatuma kingorna aningaaserivinni kontonut nalinginnaasumik maleruagassanut konto taanna ilaatinneqalissalluni.

Pappiaqqat nalillit kaaviaartinneqartussat annaasaqarfingineqarnerisa kingunerisaanik amigartoorteqartoqassagaluarpat amigartoortit taakku nunatta karsianit matussuserneqassapput. Maanna annikinnerusumik sinneqartoorteqartoqarnera pissutigalugu tamatuma pinissaa naatsorsutigineqanngitsoq Naalakkersuisut paassisutissiissutigaat.

Akileraartarnermut Akitsuusiisarnermullu Ataatsimiititaliap inassuteqaataa

Ataatsimiititaliami amerlanerussuteqartut Inuit Ataqatigiiit Demokraatillu siunnersuutip akuersissutigineqarnissaa inassutigaat. Ataatsimiititaliami ikinnerussuteqartup Siumup siunnersuutip itigartitsissutigineqarnissaa inassutigaat.

Taama oqaaseqarluni Akileraartarnermi Akitsuusiisarnermullu Ataatsimiititaliap siunnersuut
Inatsisartunut aappassaaniigassanngortippaa

Niels Thomsen
Siulittaasoq

Harald Bianco

Aqqaluaq Egede

Aleqa Hammond

Jens Imanuelsen